欽 定 全 唐

文

天台法門議	西伯受命稱王議			過舊園賦井序	梁肅	欽定全唐文卷五百十七目錄
			2 km² y namana			· · · · · · · · · · · · · · · · · · ·

							, in the second	
				; ; ;			上觀統例議	
						 	統例	
			 				議	
١.								
	-							
			!					
								!
ì		,		•				•
POLINEARIA								

たことまして、大三日十二 竄身東下旅於吳越轉徒 厄難之中者垂二十年 年四十 欽定全唐亡 濔字敬之 太子校書郎累轉右補闕翰林學士皇太子諸王侍 **威應部詣京師其年夏除東宮校書郎遂請告歸覲於江** 梁肅 過舊園賦 贈禮部即中 八歲當上 人卷五百十二 字寬中世居陸渾 升序 一元辛丑盗入洛陽三河開上 梁肅 建中初中文解清歷 A STREET OF STREET STREET STREET

金号白月ラー大ヨモート 胸 南八月過崎涸次於新安東南十數里舊居在馬時歲 如尼父達若莊叟且有歸與之歎悵然之思予蓬艾存 以需衣情之所鍾可勝歎耶夫懷舊之志在昔所不免聖 中喜懼形於膝下寓江海之退阻念歸來而不得思潘 露旣戒夫清秋爰駕言而東邁漫征路之悠悠且予發 荆榛無緊喬木着然三徑莫辨訪鄉老而已盡眄庭 日滿索征途浩渺棟宇推落曾不得乎少留心之憂傷 加於他日一等遂作賦紀事以過舊園命篇其辭 板與之樂陶野中車之遊願言莫及一食三歎至是當

里巷之罕人辨原田而莫由堂除既飲衡字亦折樹蔽 既幼捨此居業慮性命之所存始竄跡於許都又逃刃 平新安思函關之舊邱灌叢林以相屬披 夷門沿汴水之湯湯掉淮波之翻翻荷聞詩之前訓迫 衝奔從寫廬於華縣蒙郊廟於氛昏皇遊蜀川帝出朔 而求所安徽予哀而不可遏也昔子生之三歲值勍虜之 た正白目と一大三百十二 稍稍水衝堤而活活駭獸羣起頹孀四達識舊井於庭 逐緩血烏九又屯俄四进之薦山扇煙炭而熱黎元子 吊重離於木末旣循省而顧慕愈辛酸而慘但何纏 梁肅 徑而可

賢之休風仰墳籍之長圃與世道而遊息實人倫之憲 六四章投迹於雲羅鬱試言於內殿俾典校乎承華聆 役而不敢言截測河以徑度趣諸越而休止在長洲與蘭 已皇八葉之御極亦既安此寰中浮旅續其來歸真獨機 史正直以終始蘧卷舒於嘿語展甘點而不去莊頤神 和於黎燕建皇極以成化啟公車以選能子筮遇觀 未通泊大歷之二七六龍忽其上升赫元聖之統天數 舉該修已之異宜各宏道而得所矧微生之庸拙胡 閏而三徙嫋嫋兮秋風湛湛兮春江傷吾心其何

舊德之師儉庶後昆以易持高祖父趙王府記室宜奉公 元中為大水所壞始徙於面關其始也桑柘接連蔬果芳三世居陸潭有田不過百畝開其始也桑柘接連蔬果芳 **嫂夫出處則江湖之漂蕩廢田里於草莽苟將恆乎予思** 次定全唐文 卷五百十七 仲長之園面流水而覺平原遭世緒之溷濁竟初懷之军 滋彼茅軒與甕牖亦寒燠之攸宜羌百歲而員居曾未幾 孰辨夫懷安之與懷土伊吾土之所安迺恆狹而在斯實 存又聞夫郭泰之德不違親貞不絕俗當尉羅之周布 旋指於江湄曾是追感於平生孰不悲傷而涕洟抑開 而亂離二十載而一來紛蕪穢而莫治駐周覽而未已又 粱旗

莫著兮曩離舊邦紛世故兮林井殘泥禽亦去兮墜廢居 淳白而不辱何天宇之交泰蹇予生之孱獨退無庇跡之 業忸而懼兮遲歸有時葆吾素兮 所進靡代耕之禄慨拾此而不留徒仰高於前躅日晚晚 金グとグニージョニー 聖澤濡煦兮動植斯形相被瑞草兮逢時效靈體嘉生於 而命駕恨盤桓以出谷慮將歸之或迷吾斯志夫喬大亂 浩氣東直道於形庭昔在堯帝至化惟醫伊屈軼之芳自 所居而安易之序兮思聘懷歸孔之慮兮粤予庸昧道 指佞草賦公靈草無心有 enter enteres de la companya del companya de la companya del companya de la companya del la companya de la comp

祥來而萬字寧矧夫佞者小人之道直者為國之實雖糾 故曰物生於有有生於無感此變化發為禎符不然被植 布並分何患乎辨之不早若乃一人當守超黃越虞百辟 正 來朝日臨雲趙風力論道伊谷陳謨瑞草在前時敢以諛 協王猷與國經有皇眷后德動否冥二氣暢而羣生遂百 其用則深禾類降於周王芝房發於漢后信呈豐兮告慶 物之何知乃同功於帝俞天道不言聖人無心寓形闡教 纤垂美於不朽彼直指以去邪諒於功乎何有我明主所 於邦憲實發明於瑞草象恭言偽於是焉去而勿疑葉

之遊無幾何會明詔以監察御史徵俄轉右補關羈守職 桑氏之術以為療其他未之思也方俟閒則追尚平五款 予幼而漂流遂寓於江海之上與鳧雁為伍有年矣或禄 仕以代樵牧其服則以羣籍自娱又當染重腿疾每求長 **多定全唐文 卷五百十七** 守直宣父惡佞佞直不分邦家靡定惟草所指惟皇所聽 煜彼草兮直而指聖之瑞兮時之理頌皇休兮無極已 指歸乎一聽戒乎失苟君道之不宏徒倚瑞以自必重曰 以超三英之獨彼靈草所以為百瑞之首有由然也史魚 述初賦并序 匹

當論思之任次不足宏三善備教諭充端士之列每省名 位眄章級中心恐然不欲寢食無一日而安者三年於兹 Product of the 1 1 1 Worker Step 1 . 17 官侍讀之事旣微且陋載荷天雖上不能宣令德通古今 其愧畏乃如此時步自中禁休於里巷病攻其外神倦於 次未遑自免江湖之思漫如也閒一 此乎是歟非歟杳不得其倪矣於是作述初賦以紀懷且 同歸未始有物且不知夫翼歲之浮遊與今之局東彼乎 貽諸同志焉爾 中囂焉忘形思及道本然後知一動一靜萬化殊塗寂然 梁肅 歲加翰林學士領東 <u>-</u>

多定全唐文 ── 光玉下一十 司空之藩 我洪系兮肇昭耿乎伊唐始贊禹以陳謨末開國而 曹 以遷逝 張避 **竦太邻** 作守傷 七高侯)殉節 掖亂 滅 周 一分选工 事空 表 取 必 数 務 引 魏 次而方彰社公 公隋尘大諱御郃將 酒守州風侯侍 序 邻 泉寧刺鄉諱郎 而 陽 毗史陽軍 替 隋大公洛世自 而陽 見光 而守 書夫韓州郡酒太州史侯寬涼有刑越刺守泉守刺見諱見州 以關史晉 庭魏刺 褒後 下内扶書死書史親漢 傳部見史關以關史 **愍侍漢系** 侯中廷祖 侯六侯風 煌 諱鄉

薄祐無生植之多艱豈前修之將墜貌才非而體孱奉徙 前哲之休風屢惆悵以忸怩且自擊以自考亦三復而九 性命之終始日君子之不用實未成之所擬苟體健以立 執法乃遂乃達播五葉而遠予垂慎身之芳烈伊孤朦之 而難前升九顆之宏軌探乾坤之大紀求專直與爲關問 宅之善教得帶經之殘編諒不師而不訓鳥識立德與立 誠何剛柔之不履慨尋繹以內省觀萬動之攸歸若捫 而罔陷知集木之匪危何大道之汗漫悼吾人之崎戲 言泊章南之在首始礪志以就賢思琢撲以解蔽終打格 癸精

欽定全唐文 卷五百十七 從之臣獲睹人神之泰又感夫翰苑崇松人文是經樂正 思庶初筮以發蒙敢舍龜而觀願美海嶽之靜深援幽人 假廟以告配百神受職以咸秩萬國駿奔而來祭肆觀創 斯時也天光鏡乎宇内洪稜儋平荒外上躬祀於泰壇先 乎學該紀律識洞經制故小人之備官幸不招損而速矣 司業元良以貞講藝承華視草承明莫不才作相如道博 五月之吉朝宗盛三朝之會月窟日際風行雨霈謬參侍 求俊人載馳車乘搜及瑣細被執持憲簡與匡補闕載宜 以為期聿投迹於林中就拙者之所宜屬夫上有聖帝旁

游以休止旁枕大道其平如水南望南山横空黛起君子 躬以效誠雙書紳之猶怠處數馬之非精畫兢兢以何徨 夕默默以屛營豈不以命重才輕惕墜而不敢寧也我寓 我居於彼南里匪容車騎實遠朝市羌歸沐以斯憩聊優 桓樂何皇鑒之偏屬降湛恩於無生若側足以登塗方飭 得環中之妙樞合乃一指流為萬塗審物我之同域又遑 所履小人所視作掃室以自安殊塞門而不仕於是有竹 有梧清風穆如放懷端居元宇自虛遺原憲之貧病忘甯 武之智愚喪我南郭之几盡心西域之書悟幻有之遷幹 色

豈勺水之云輸伊志慮之久曠矧波痾之集子徒端直以 欽定全唐文、卷五百十七 受命質在昔日傳國璽自秦始皇有焉蓋取夫一世二世 追其焉如何睿后之渥飾宜克恭以忘劬惟少海之洪瀾 禍也宇文化及盜之而西實建德滅化及取焉易稱物不 傳於無窮故有傳國之號歷两漢至於陳隋隋煬帝之遇 亦卷亦舒吾企夫物之未及故浩然而述初 勿貳又焉能以爲乎有無冥冥飛鴻其虚其徐英英白雲 可以終否武德中太宗一戎衣而天下大定是器也與璽 受命實賦升序

莫不視德之上下位之安危若恃寶命在已而怕心垣耳 同歸國家用之以受命所承更名大寶而多歷年所自前 神物之所在非徒然也抑又聞之鼎之輕重與璽之去留 代觀之受天明命則不求而得僭賊劫遷則得之而失蓋 漸手危殆以到展之尊被竊鉄之言當此時也此片五耳 物之貴兮惟玉之英為二氣以成形涵百寶之純精卡氏 命寶賦若形制之小大厚薄則未始詳也故不備焉其 ALL ALIENCE INVESTIGATION 何為哉竊讀史氏感與亡之器念號飢之類於是作 梁肅

遺察成巨君之篡害雖擲地以慷慨終莫救夫顛沛俄漸 洎 臺之類覆悉更始與亦眉咸庸懦而不居卒亂長而禍滋 逮夫漢業中微后族專命殺去公室世移威柄寶沙麓之 哲王傳國寶之無疆何逆天以暴物不及期而降殃惟陰 光追琢成章其文日受命於天旣壽永昌其始也謂世有 陽之運行終授受而不常隨素車與白馬歸亦精於路旁 得之三獻而後明當秦趙之抗衛挺高價於連城伊玩好 之所資微神器之鴻名及夫素始稱皇削平六王為龍為 四七之龍驤為火主以得之遂祀漢以配天延二百之

當路郊廟毀而失主望夷之釁既發斯器淪於醜虜昊天 次已白星文 K五百十日 聖人旣作萬物斯覩於斯時也充德處結東周脫臲帝 有命眷我高祖騫飛汾晉震疊關輔雲行雨施雷動飚舉 漂蕩入智井以蕪沒披草萊以拯之實功存乎武烈何典 俄銜璧而來奔惟大業之離阻由君唇而黷武豺狼呀以 午之傾潰劉石盜以自尊旣江表之卜年遂歸明以去昬 炎輝苟非其人寶命不歸悼桓靈之不嗣置天下於阽危 五世推移或亡或存失得由道隋之并吞始負險以爭雄 而赤伏道喪黃星光發雲雷遘追朝社播越去乘與而 梁肅

靈命顯思是以有守有失動而悅隨若貪功而僣禮莫 易然後本不搖而末不墜安危之體鑑此而已若夫符 金ケントラーオラマーコ 位之升降唯道所至先王審其所以故為大於細為難 魏闕考乎先王之統世也以文經天以武緯地觀象備 從宜制器播而用之為天下利故曰大德曰生大寶曰 文皇陳師往伐如火烈烈如風發發牛口先撥虎牢則達 所加悉數之所歸莫不天人合發區字樂推休祥煥 四海於清平混車書以同轍惟神器之有在終告歸 召危此玉也公路執持界 於

代無奉璽之術苟思慮於廢與故不旣得而患失於戲 壞而身糜惟前軌之昭昭孰可幸捷以取之若曰吾有天 發禍機聖人定之天生神物聖人用之唐哉皇哉大人告 欽定全唐文 卷五百十七 梁肅 諡以尊名節以一惠取名之浮於行也楊文貞體淳素之 議日有國之典存以位敘其德沒以諡易其名名之小大 之子孫百代永言保之 命如天有日傳寶在我昏庸自快則陸渾無問果之事思 視德之美惡蓋書其著而畧其微要其終而明其義故曰 代太常答蘇端駁楊綰諡議

質協時中之德爰自下列至於字司秉心不渝動必由道 必合事不必同則載之於公其事可見況當載東釣而公 志邪而晏志正春秋亦不以陳之惡延於平仲是知道不 昔荀爽為董卓所舉致位三公及卓數亂漢政可謂甚矣 謂公與元載交游嘗為載薦引載之咎惡悉歸於公斯乃 保身曰文與貞在我惟允秉公議者其誰曰不然今奉符 與夫立功立事開物濟眾不同日語矣而清儉厲俗明哲 而漢史曾不以卓之過累於慈明晏子陳氏俱事齊侯陳 联於觀行定諡之義且非君子成人之美也請區而評之

欽定全害文 卷五百十七 夫載覆其餘公膺大任任職日沒屢以疾辭位且不安安 清節又有發載之惡皆泄漏致辭患自掇也庸可救乎及 白守節日貞大處克就日貞憂國忘死日貞文之義有上 秉銓衡處成均貳宗伯潤色王度無替厥美加以敏而好 不參大政載以時望慕我我則靜而守中因疎為簡適見 學見善如不及可不謂文乎謹按諡法稱貞之例有三清 衣帛之妾君子以為忠楊公以大名厚位出入三朝無宅 可以寂寥故悟而貴之乎昔季文子相三君無食栗之馬 區無馬一駟志於清白交不諂瀆可不謂貞乎掌訓誥 梁肅

議名之道錄其所長則捨其所短志其大行則遺其小節 |美果在一名則士文伯孔文子且無經緯天地之文孟武 使善惡决於一字褒貶垂於將來蓋先王制諡之方也若 綜覈名實形於公論宜取坦然明白彰於遐邇者今或乘 孫辰縱逆祀不得諡文管夷吾臺門反站不得諡敬是知 伯甯武子又非克定禍亂之武若以廢禮不稱其名則臧 又安可以二王三恪私廟家祭之關併責於一名哉若具 經天緯地日文道德博厚日文愍人惠禮日文不取下問 曰文慈惠愛人曰文修德來遠曰文名旣不備事亦殊買

欽定全唐文 卷五百十七 節大矣而珠於知人許公瓊固執遺一作韶廷沮邪計其 典禮近考故事楊公之名請如前議云爾 無全能才不必備以鄭公徽立言正色恥君不如堯舜其 人之意肆誣謗之解所謂抉瑕刺骨之說非正議也且聖 志明矣終不能守故春秋為賢者諱過傳稱不以一告掩 行所歸九德咸事如周公之文宣父之宣然後擬議則干 大德語曰無求備於一人蓋二公所以為文貞也若曰百 古莫嗣而諡典絕矣安在一二蘇魏足為定制乎謹上 西伯受命稱王議 梁肅 土

有父受之而子復革命父為天子子云未受當武王之會 文王以之未有南面稱王而謂之服事易姓創制而謂之 質其說子以為反經非聖不可以訓莫此甚焉嘗試言之 天下有其二以服事殷又曰内文明而外柔順以蒙大難 夫聖人無作作則為萬代法蓋仲尼美文王之德曰三分 柔順仲尼稱武王之烈曰湯武革命又曰武王末受命未 文王受命作周泰誓序十有一年武王伐殷妄徵二經以 遂追王太王王季改正朔易服色十年而崩或謂大雅岸 太史公日詩人道西伯以受命之年稱王而斷處芮之訟

考大統未集子小子其承厥志孰有王者出征復俟天命 盟津也告諸侯日汝未知天命未可以誓師也日惟我文 次定全事文 长五可一口 故制為上下之禮財成天地之道使各當其分而不相閒 王則不應復云追王王制旣行則不應復云改物是皆反 天統旣改而復云未集禮大傳稱牧之野旣事而退柴於 若億兆之去留天命之與奪則存乎其時聖人順而行之 經者也夫大者天地其次君臣聖人知定位之不可易也 故謳歌有所歸而舜禹揖讓桀紂惡盈則湯武放伐所謂 帝追王太王王季文王改正朔殊徽號若虞芮之歲稱 梁肅 F

受命之歲仲尼憲章文武故因而敘之日十有一年武王 年蓋武王周公追考前文陳王業之盛自處的始故斷為 武王因之遂成大業非所謂革命易姓為作周也泰誓紀 極 後天而奉天時不得已而為之者也若殷道未絕紂惡未 殷非所謂自稱王而為之數也文王既沒經義斯在 以為大雅作周之義蓋取夫積德累仁為海内所歸在 而逐稱王以令天下則不可謂至德也此其非聖者也 不然以俟君子 天台法門議

心成於妙覺經緯於三乘導達於萬行而能事備焉昔法 網散神足隱而宗途異各權所據矛盾更作其中或三昧 門自他兩得同詣祕密此教之所由作也泊鶴林滅而法 要其所歸無越一實故經曰雖說種種道其實爲佛乘又 五時五味半滿權實偏圓小大之義播於諸部粲然殊流 欠定を与と一人気を可とこ 示生四依出現應機不等持論亦別故攝論地持成實惟 日開方便門示真實相喻之以眾流入海標之以不二法 出世由 日修釋氏之訓者務三而已日戒定慧斯道也始於發 一道清淨用一音演說機感不同所聞益異故 梁肅 F F

後用三種止觀成一事因緣括萬法於一心開十乘於 悟備帝堯大舜之體相贊龍樹之遺論從南岳之妙解然 振未普故木鐸重授於天台大師大師像身子善現之超 教戒定慧之說空假中之觀坦然明白可舉而行是故教 矣旣而敎不終否至人利見慧聞慧思或雖相繼法雷之 以忘返身口之事荡而無章於是法門之大統或幾乎息 其性相不可牵復是此者非彼未得者謂證惠解之道流 遠其風益扇說法者桎梏於文字莫知自解習禪者虛無 識之類分路並作非有非空之談莫能一 金ラグラスランノラコアート 一貫旣而去聖滋 F

微言不墜習之者猶足以抗折百家昭示三藏又光聞而 證吾必謂之近矣今之人正信者鮮敬禪關者或以無佛 能思思而能修修而能進進而不已者與斯人也雖曰未 宗大師教門所以為盛故其在世也光昭天下為帝王師 德為如來所使階位境智蓋無得而稱焉於戲應跡雖往 無遺法法無棄人人無廢心心無擇行行有所證證有 钦定全害文一卷五百十七 梁肅 範其去世也往來上界為慈氏輔佐卷舒於普門示現降 無法何罪何善之化化之中人以下馳騁愛欲之徒出入 衣冠之類以為斯言至矣且不逆耳私欲不廢故從其即

自智者傳法五世至今天台港然大師中與其道為子士 莫能自出雖欲益之而實損之與夫眾魔外道為害一 者謂之明駐動者謂之靜明與靜止觀之體也在因謂之 由是觀之此宗之大訓此教之旁濟其於天下爲不侔矣 者若飛蛾之赴明燭破塊之落空谷殊不知坐致焦爛而 也性之本也物之所以不能復者昏與動使之然也照唇 之如此故錄之以繫於篇 夫止觀何為也導萬法之理而復於實際者也實際者何 止觀統例議

钦定全唐文人卷五百十七 總權消息子不二之場鼓舞於說三之域至微以盡性至 方於是手止而觀之靜而明之使其動而能靜靜而能明 成者證此者也原夫聖人有以見惑足以喪志動足以失 上觀在果謂之智定因謂之行果謂之成行者行此者也 使自求之擬而議之使自至之此止觀所由作也夫三諦 妄也聖人舉其言所以示也廣其用所以告也優而柔之 門可閱也用至圓以圓之物無偏也用至實以實之物無 因相待以成法即絕待以照本立大車以御正乘大事而 **頤以體神語其近則一毫之善可通也語其遠則重元之** 梁肅

實爲無住爲中爲妙為第一義是三一之蘊也所謂空也 者通萬法而為言者也假也者立萬法而為言者也中也 為權為實為定為不定循迹以返本則為一為大為圓為 由本以垂迹則為小為大為通為別為頓為漸為題為祕 非强名也自然之理也言而傳之者迹也理謂之本迹謂 即三至三即一 之末本也者聖人所至之地也末也者聖人所示之教也 之義中道者得一之名此思議之說非至一之旨也至一 者何也一之謂也空假中者何也一之目也空假者相對 一非相含而然也非相生而然也非數義也

塞者使通通則悟悟則至至則常常則盡矣明則照照則 觀舉其要則聖人極深研幾窮理盡性之說乎昧者使明 劫而不遺燾載恒沙而不有復歸無物而不無寓名之日 化化則成成則一矣聖人有以彌綸萬法而不差磅礴萬 者妙萬法而為言者也破一切感莫盛乎空建一切法莫 何法非假舉空則無法不空成之謂之三德修之謂之三 **威乎假究竟一切性莫大乎中舉中則無法非中舉假則** シーとはましてあるい 三觀成功者如此所謂園頓者非漸次非不定指論十章 佛經號之日覺究其旨其解脫自在莫大極妙之德乎夫 梁肅

截流之津也十境者發動之機立觀之諦也十乘者妙用 多片在屋文 卷五百十十 章目推而廣之不為繁統而簡之不為少如連環不可解 所踐也故發心者發無所發安心者安無所安偏破者偏 之義也十章者恢演始末通道之關也五畧者舉其宏綱 無所偏爰至餘乘皆不得已而說也至於別其義例判為 其餘者非所修之要故也乘者何也載物而運者也十者 何也成載之事者也知其境之妙不行而至者德之上也 所修發行之門也止於正觀而終於見境者義備故也關 而已矣豈藉夫九哉九者非他相生之說未至者之

等覺至人猶所未盡若凡夫生滅心行三惑浩然於言說 得意忘象其孰能知乎今之人乃專用章句文字從而釋 議家多門非諍論也按經證義非虚說也辨四教沒深事 也如貫珠不可雜也如懸鏡不可揜也如通川不可遏也 不可見明矣今止觀之說文字萬數廣論果地無益初學 有源也成一事因緣理無遺也隱止觀其救世明道之書 之又何疎漏耶或稱不思議境與不思議事皆極聖之域 乎非夫聖智超絕卓爾獨立其孰能為乎非夫聰明深達 之中推上妙之理是猶醢雞而說大鵬夏蟲之議層冰其 じょう ころあれて 一人のところですとい 梁肅

述者自隔理不隔也失者自失性不失也止觀之作所以 金5人生月之一卷五百十七 辨異同而究聖神使羣生正性而順理者也正性順理所 豈如暗然自修功至自至何必以早計為事乎是大不然 路墮落可勝旣乎噫去聖久遠賢人不出庸唇之徒含識 以行覺路而至妙境也不知此教者則學何所入功何所 而已得之爲悟失之爲迷一理而已迷而爲凡悟而爲聖 凡所為上聖之域豈隔闊遼夏與凡境杳絕欺是惟 而已至使魔邪能感諸黨並熾空有云云為坑為穿有膠 施智何所發譬如無目昧於日月之光行於重險之處顛

於文句不敢動者有流於游浪不能住者有太遠而甘心 不至者有太近而我身即是者有枯木而稱定者有竅號 年智者大師去世至皇朝建中垂二百載以斯文相傳凡 凡此之類自立為祖繼祖為家反經非聖珠者不覺仲 又其次日左谿朗公其五日荆溪然公頂於同門中慧 有言道之不明也我知之矣由物累也悲夫隋開皇十七 Children J. Walter I G 家師其始日灌頂其次日縉雲威又其次日東陽小威 稱慧者有奔走非道而言權者有假於鬼而言通者有 心而言廣者有罕言而為密者有齒舌潛傳為口缺者 梁斯

|文為之屢校枯足也势句為之叛糠眯目也以不能喻之| 蔽外役於煩沒世不能通其文數年不能得其益是則業 多定全建文 老玉百十七 然深耳目塞雖學而不能知斯為下矣今夫學者內病於 生而知之者蓋性德者也學而知之者天機深者也若皆 而知之者上也學而知之者次也因而學之又其次也夫 遺法勤矣備矣荆溪滅後知其說者適三四人古人云生 第一 谿始宏解說而知者蓋寡荆溪廣以傳記數十萬言網羅 煩或失則野當二威之際緘受而已其道不行天實中左 能奉師訓集成此書蓋不以文詞為本故也或失則

蒙童貽諸他人則吾豈敢若同見同行且不以止觀罪我 是整其宏綱撮其機要其理之所存教之所急或易置之 とことほとしくならうとい 亦無隱乎爾建中上元甲子首事筆削三歲歲在析木之 師教不領之弟子上觀所以未光大於時也子常戚成於 津功畢云爾 浮疎之患十愈其九廣畧之宜三存其一於是祛鄙滞道 或引伸之其義之迁其辭之鄙或雜除之或潤色之大凡 梁肅

たことまて一人では丁一 目録 欽定全唐文卷五百十八目錄 梁肅二 常州刺史獨孤及集後序 補闕李君前集序 中和節奉陪杜尚書宴集序 賀蘇常二孫使君鄰郡詩序 晚春崔中丞林亭會集詩序 秘書監包府君集序 丞相鄴侯李泌文集"了

多分白月ン一美王下丁ノ 送實拾遺赴朝廷序 送朱拾遺赴朝廷序 送耿拾遺歸朝廷序 送李補闕歸少室養疾序 奉送泉州席使君赴任序 送謝舍人赴朝廷序 周公瑾墓下詩序 送韋拾遺歸嵩陽舊居序 游雲門寺詩序

大臣自生 一美五百十一目錄 送靈沼上人遊壽陽序 送張三十昆季西上序 送皇甫七赴廣州序 送前長水裴少府歸海陵序 送皇甫尊師歸吳與卞山序 送周司直赴太原序 送沙門鑒虚上人歸越序 送鄭子華之東陽序 奉送劉侍御赴上都序

金などたう一次ヨーノ 送韋十六進士及第後東歸序 觀石山人彈琴序 送元錫赴舉序 陪獨孤常州觀講論語序 維摩經暑疏序 導引圖序

言之成文歌之成聲然後浹於人心人心安以樂播於風 睿智之君忠肅恭懿之臣敌六府三事同八風七律莫不 之文行易簡之道贊事威聖辨章品物疏通以盡理閱麗 與三代同風其輔相之臣日鄰侯李公泌字長源用比與 唐與九世天子以人文化成天下王澤洽頌聲作洋洋馬 欽定全唐文卷五百十个 而合雅舒卷之道必形於解其偉矣夫予嘗論古者聰明 梁肅二 丞相鄰侯李泌文集序 采剂

處士延登内毀實數黃老之訓至德初宣皇以元良受禪 多定全唐文 | 《卷五百十八 者有以見上之任人始與之知人者已初太上當陽公以 得十數嘻才難不其然乎開元中公七歲見丞相始與張 依隱以玩世或主文以譎諫步驟六義發揚時風觀其詞 遜則有滄浪紫府之詩其在王庭則有君臣廣載之歌或 與殁不六十載公果至宰相封侯有文集二十卷其智嘉 俗風俗厚以順其有不由此者為理則麤在音則煩麤之 公九齡張駭其聰異授以屬辭之要許以輔相之業泊始 作煩之甚也亂用其道行其位者歷退百千不

託公之執友諫議大夫北平陽城亦謂子日鄰侯經邦緯 命之不融凡百與歎旣薨之來載皇上到尿之暇思索時 以監察御史徵詣京師始得集錄於公子繁且以序述見 終践代天之職方將熙庶工以成邦教載直筆以修唐書 表唯斯言不可以不傳於後嘗謂肅曰吾子解直盍存乎 俗之謨立言垂世之譽獨善兼濟之暑藏在冊贖載於碑 文徵公遺編藏之御府於是公之文辭光大一門近歲肅 權之柄參復夏之功大德不官既追五嶽之隱大用不器 公則獻泰階領昭纂堯之道睿文以廣平伐罪公則握 产的

文章之道與政通矣世教之污崇人風之薄厚與立言立 誦詩三百可以將命可與專對若子產入陳以文辭爲功 事者邪正城否皆在焉故登高能賦可以觀者可與圖事 目云 篇序旣詠歎之不足因著其所以然貽諸好事者凡詩二 欽定全唐文 卷五百十八 百篇表誌碑贊序議述又百有二十其五十篇缺獨著其 政事於戲才全其難乎有唐故秘書監丹陽公包氏諱 尼弟子用文學命科文學者或不備德行德行者或不 秘書監包府君集序

以文藻盛名揚於開元中泊公與兄起居何又世其業競 稱君子之光傳美忠文之實公之謂也 會理不苟簡晦珠以撓其守故其言體要而動有事功易 包孝友之美聞於天下擬諸孔門則何居德行公居政事 信字幼正烈考集賢院學士大理司直贈秘書監諱融實 爽於天寶之後一動一靜必形於文辭由是議者稱為二 而偕以文為主不其偉數諷諭其從政則執度行志率誠 シュングニューン 関一グニニー 梁朝 大歷丁已歲夏四月有唐文宗常州刺史獨孤公薨於位 常州刺史獨孤及集後序

王風下扇舊俗稍革者选起不及百年文體反正其後時 下視才之厚薄唐與接前代澆輔之後承文章顛墜之運 人文在昔聖王以之經緯百度臣下以之弼成五教德又 在乎斯文斯文之城不可以莫之紀也於是級其遺草三 茂德映乎當世美化加乎百姓若發揚秀氣磅礴古訓則 秋九月既葬門下士安定梁肅各謀先達稽覽故志以公 下衰則怨刺形於歌詠誠議彰乎史冊故道德仁義非文 百篇為二十卷以示後嗣乃繫其解曰夫大者天道其太 明禮樂刑政非文不立文之與廢視世之治亂文之高

爲之於是操道德為根本總禮樂爲冠帶以易之精義詩 夏和溢而文亦隨之天寶中作者數人**頗節之以禮**泊 復親两漢之遺風善乎中書舍人崔公祐甫之言也日常 之雅與春秋之衰貶屬之於解故其文寬而簡直而婉 州之文以立憲誠世衰賢遏惡為用故議論最長其或列 於碑頌流於詠歌峻如嵩華浩如江河若贊堯舜禹湯 而不華博厚而高明論人無虛美比事為實錄天下稟然 欠れいはしく 多五分と 梁肅 命為語爲典爲謨爲訓人皆許之而不吾試論道之位宜 不時誠哉公諱及字至之祕書監府君之中年四子道 ១

金万万万万万人大王アーン 原項空常侍姚尚書嚴庶子韋給事韋題叔墓銘鄭氏孝 與之粹天授之德聰明博達剛毅正直中行獨復動靜 懷大觀超邁流俗於仙掌函谷二銘延陵論八陣圖記見 萬變而殊流會歸同志於道故於賦遠遊頌嘯臺見公放 則孝弟一作積為行本文藝成乎餘力凡立言必忠孝大 偷王霸大畧權正大義古今大體其中雖波騰雷動起 公識探神化智合權道於議郊祀配天之禮吕諲盧弈之 郡文宣王廟碑福州新學碑美成功以姓善人則張 見公闡明典訓綜覈名實若夫述聖道以揚儒風則陳 U

簡隱天其以述作之柄授夫子乎不然則吾黨安得遭遇 禪師碑論文變之損益於是有李遐叔集序稱物狀以恰 要於存殁之開則祭買尚書相里侍郎元郎中員外李叔 火巨在馬左 人 卷五百十八 道 乎斯文也初公視肅以友肅仰公猶師每申之話言必先 表陳黃老之義於是有對策文演釋氏之與於是有鏡智 行記字睢陽楊懷州碑祭世德以貽後昆則先祕書監靈 子文其餘紀物敘事一篇一 美而暢其情性於是有球琊溪述盧氏竹亭記抒 德禮而後文學且日後世雖有作者六籍其不可及 梁肅 一詠皆足以追蹤在烈裁正狂 Ē.

後其流派別炎漢制度以霸王道雜之故其文亦二賈生 文之作上所以發揚道德正性命之紀次所以財成典禮 者於是觀夫子之志若立身行道始終出處皆載易名之 言大發蒙感今則已矣知我者其誰哉遂街涕為敘俾來 班孟堅云爾唯子可與共學當視斯文庶乎成名肅承其 金歩くとようしょうコーノ 狀故不備之此篇 已苟孟樸而少文屈宋華而無根有以取正其賈生史遷 (偷之義又其次所以昭顯義類立天下之中三代之 補關李君前集序

弱矣故文本於道失道則博一作之以氣氣不足則節之 張衡其文雄富出於霸塗者也其後作者理勝則文薄文 馬遷劉向班固其文博厚出於王風者也枚叔相如揚雄 侈次則燕國張公說以宏茂廣波瀾天寶已還則李員外 以醉蓋道能兼氣氣能兼辭醉不當則文斯敗矣唐有 氣全其解辨一作其解 馳騖古今之際高步天地之 蕭功曹賈常侍獨孤常州比肩而出故其道益斌若乃其 則理消理消則言愈繁繁則亂矣文薄則意愈巧巧則 幾二百載而文章三變初則廣漢陳子昂以風雅革浮 殺斯

解褐衛縣尉其後以書記再參淮南節度軍謀累遷大 掉手元龜之在前也領功美則温直顯融協於大中穆如 其行者也世所謂文章之雄舍君其誰數弱冠進士登科 清風之中人也議者又謂君之才若崇山出雲神禹導河 豁冥渙乎春冰之將洋也廣勸戒則得失相維吉凶相追 \$ 定全唐文 卷五百十八 達博涉經籍其文尤工故其作敘治亂則明白坦蕩紆徐 有左補闕李君君名翰趙郡贊皇人也天姿期秀率性聰 作條暢端如貫珠之可觀也陳道義則游泳性情探微 石而彌六合隨山而注巨壑蓋無物足以過其氣而関

安多病亦何可勝論惟斯文足以振當世餘烈足以遺後 其志者寡矣其餘屬雅道喪缺黃鐘毀棄若孟子鹹軻七 方用武故委於外藩及夫入宣室而揮宸翰也方用人文 屈於下位天寶末房公琯韋公防薦公充史中歲多難時 できるとまっている。これには「して 嗣此之謂不朽君既退歸居於河南之陽翟家愈貧而禄 世用捨緊乎才進退牽乎時始君筮仕值蔽善者當路故 不及志愈邁而文盆壯眼日以嘗所述作三十卷目為前 以飾王度則因疾罷免嘻昔之君子賢人運與事并得信 司直天子聞其才召拜左補闕俄加翰林學士夫士之處 梁肅

部從事列將羣吏大官重客我星弁執象笏脫劒曳殺列 河清海晏君臣高會由內及外粵我主公牧揚州領東諸 侯既承湛露之澤且修式燕之禮乃邀中貴人及我上介 集命予序之君與予實有伯哈仲宣之義故書於篇 人元侯所以承王命也於時上元甲子之六歲地平天成 通天下之志明君所以總萬邦也奉時以協氣播氣以授 沛乎聖人在穆清之中合四序茂萬物謂二月之吉殷天 人之和肇以是日為中和節原夫中以立天下之本和以 中和節奉陪杜尚書宴集序

次足台馬之一 影丘写十一 梁肅 既醉小子輒起而言曰大君有命令節兹始我公宴喜干 美陽春白雪流徵清角之妙更奏於堂上風和景遲旣樂 拔距扛鼎踰刃之奇迭作於庭內急管參差長袖嫋娜之 **迺俾坐客偕以六韻成章授簡為序上以志王澤所及次** 以受社歌以發德詩以頌美于胥樂兮胡可廢已公曰善 且儀自朝及暮惟節有度君子謂福禄之所淡在是命矣 於是羣戲全入絲竹雜巡毯蹈樂舞撞懸索走之捷飛九 既盈左右無聲旨酒斯行迺陳獻剛之事乃酣無算之飲 於賓席者百有餘人火旗在門雷鼓在庭合樂旣成大庖

富貴跡叶幽曠與浩氣為徒故不導引而壽以善閉為事 之高居人閒之方外者也於時眾君子飽公之和惜日不 紫籐垂梳以紫結地有滄洲之趣鳥無城郭之音信上 故無江湖而聞春池始平芳草如織乃故虛館延羣賢鳴 一德 九則體和道勝則境靜抑常理也前在馮翊崔公意遺 以紀方鎮之歡末以示將來威事云爾 金ガとたろうララマーノ 漉酒以侑談笑搴英翫華以賞景物修竹滿座以環合 顧相謂曰夫養正在我飲位在時今朝廷虚老更之 晚春崔中丞林亭會集詩序

未之有也故道州詩而美之屬而和之者凡三十有七章 ピューショ まっこと しんかいしょしょ 古之厚風俗美教化必播於歌詠垂於無窮故風有二南 年受兹介福馬爾 以待園綺公實舊德行將論道不暇焉可晦而息乎蓋詩 成變魯之政地無夾河之阻人有同舟引 可以興可以羣盡歌詠之以志斯會且用祝公以君子萬 (李萼賀晉陵吳郡伯仲二守之作也二公修懿文之烈 什傳稱兄弟之政其事尚矣二孫鄰郡詩者前道州 賀蘇常二孫使君鄰郡詩序 没新 一作之樂抑近古 刺

苑之寄伯受晉陵之命自慶亭以東樂兒以北面五湖貧 多员全唐文 卷王百十八 大江列城十二縣環地二千里政教同和風雨同節禮讓 次綽綽怡怡有裕有數二邦之人於斯觀德可謂之榮台 民樂其教且飽其和然後用邁豆般幹展友爱於交壤之 各約車與將命者十數人循行邑里勞之斯耕喻之斯藏 守上饒與元貞元閒偕以治行聞天子器之於是仲有吳 溢於道路蓋云越矣初伯氏用雅度碩畫掌柱下史方書 推麾幢四領江郡仲氏以茂學達才由尚書郎貳京兆 俗熙熙然有太平之風姦歲土膏將起場功向畢二公

大定台事と一人 祭五百十八 梁南 昔趙文子觀九原有歸數之歎謝靈運適朱方與墓下之 作或懷德異世或感舊一時而清詞雅義終古不歇十三 本夫詩人之志有四焉美其德美其位美其政美其鄰信 以知吳風 ·以編諸唐雅昭示後學豈止於塗歌里誦遐邇悅慕)肅當辱二公之眷謹序篇首庶采詩者得之陳於太師 於人則日吳將軍周公蓮之墓也子當覽前志壯公蓮 春子與友人歐陽仲山旅游於吳里巷之間有墳歸然 周公瑾墓下詩序 而

感深故仲山有過墓之什廓然其慮粲乎其文可以窥盤 物象發於詠歌形於事業事之博者其辭威志之大者其感於發於詠歌形於事業事之博者其辭威志之大者其 世逾在而聲不滅有由然矣詩人之作感於物動於中 光三分宇宙暫隔富哉言乎於是時彌遠而氣一作益振 桓居貞之道梁父閒吟之意凡有和者當繫於斯文 金グと人フーオラアーノ 以魏祖之雄武披攘躑躅牧死不暇袁彦伯贊是功曰三 挫强為弱燎火一舉樓船灰飛遂乃張吳之臂壯蜀之趾 綱旣解當塗方熾利兵南浮江漢失險公瑾當用寡制眾 之業歷於遺墟想公瑾之神息駕而弔徘徊不能去昔漢

一欽定全唐文 /《卷五百十八 望拔起五峯蟾蟾列壑沈沈上摩碧落旁湧金界其下 採玉笥上會稽然後诉若耶過鳳林而南意欲脫人世之 門之會其造通一也先會一日沙門釋去諠命我友相與 為樂故合志同方賢者有柴桑之隱游道同趣吾徒為雲 百泉會流蓄為澄潭涵虛鏡徹激瀬玉漱冷冷之聲與地 一德與汗漫為友無江海而閒其次則仁智相從有山水 鞅窮林泉之遐奧於是捨升清瀾反策閒原遞香靄而 嶇蠍入深翠以泛迴環遂至於雲門觀其羣山疊翠 游雲門寺詩序 梁肅 王

萬累慮 蓋道由境深理自外獎故也昔之遠公紀廬山謝客題石 焉疑諸天樓觀列在咫尺庭衢之中別有日月旣而動步 亦請 籟唱和不待笙磬而五音迭作眺聽不足則凝思宴息怳 **具境静聆法音合漆園** 道流勝賞今古一貫易可不賦貽雲山羞乃各為詩以 斯會同乎道者有隴西李公受高陽齊霞舉約會未至 同賦此篇用廣夫游行之致云 作 送謝舍人赴朝廷序 如洗百骸坐空視松喬為弱喪輕世界於聚葉 指之喻一作指淨名無住之本 諭

前席之事必將敷陳至論超履右職使賢能者勸彼棘寺 命時人謂公視三事大夫猶寸步耳爾來六七年同登掖 たことにいて、たられず上し 垣 初 厚意意又不足則陳詩贈之屬而和者凡十有一人小子 不其然數前史稱漢文帝對賈生語至夜半且有不早見 一者已选操國柄而公方自廬陵守入副九卿器大舉運 歎別公才為國華識與道并當欽明文思之日繼宣室 朝班列之舊是日惜歡會不足乃用傷豆宴酬以將其 刑豈君子淹心之地乎亦旣撰吉晉陵主人於夫子有 公以文似相如得藏名於天下大歷再居獻納俄典書 梁肅

遠惟先尚書文公茂德盛名光乎前朝吾子淑慎其身荷 金万百月了一是五下一人 適受東觀之命從公後塵行有日矣存乎解者祗以道詩 伯父覆露銀章卓蓋秩二千石方將布王澤以收閩人 其恬於名利如是體命者數後時然乎傳稱士任重而道 決起所及展轉綠仕三十餘年乃以宰邑功次除晉安守 使君至德初以一命領太原尉俄歷御史參丞相軍事所 人之意而已至於瞻望不及之思不敢自序云 之主則李侍中王黃門其人當時議者謂翰音上 奉送泉州席使君赴任序

望不及所當慎者残暑而已豈以遠道為戒哉掺袂如之 命超處蕃閩迺其盛也七月之吉火雲在天在車祖東瞻 粲然同風夫君子之道與命與時三者幷則不期達而達 昔司馬相如當漢六葉為言語侍從之臣今天子用人文 シニンハチン シニューン 梁南 化成亦以君有相如之才擢居諫職且掌宸翰賦頌書奏 不謂重且遠乎行當變未善之俗使至齊魯然後祗承優 不然則或鼓或罷或塞或通是以長卿屢去其官而君亦 何序以道意 送李補闕歸少室養疾序

浮雲翼疾風登紫垣步清漢當此時無妄之疾抑自去不 竭是行也方想於雲林之中陶然自養以餌浩氣然後階 虎其詞最盛如夏雲秋濤變化騰湧蔚乎當代學者誦之 也易傳稱養正則吉矧夫氣甚和志甚邁與愈瞻而才未 則疾不去故夫子暫游江湖樂其靜也復還少室就其安 及夫朝夕論思上尤所器異故乞身之表七上而後賜告 以疾退息各其時也君曩時祭夏主一作領比於馭龍射 多好全屋文 卷五百十八 有以見聖王之愛才也夫賢者境不靜則神不恰身不安 安肯住於肌膚閒哉始君未為近臣時論有積薪之歎

當堯舜之聰明魏氏之謨猷以拾遺之才之美其翰飛遠 從而搜焉拾遺耿君於是乎擁輕軒奉明韶有江湖之役 逸詩墜禮分命史臣求之天下若汲冢墓陵山大之徒必 國家方偃武事行文道命有司修圖籍且慮有關文遺編 及其造退朝廷厚優賢之禮令也于歸君子賦考槃之 左右帝展用廣夫天禄石渠之籍託諷於吟詠情性之作 **電勉已事將復命闕下七月乙未改轅而西將朝夕論思** 此數者足以觀子之義不可以不序焉爾 ・ノ・ - ノ・・・・ - ノーノーノーノーノー 送耿拾遺歸朝廷序 梁肅

眄滄海以遂志其動也披白雲以受韶吳中賢士大夫相 賀不暇長通方移疾餌藥不出東山者三年或曰以君之 以比與之文名震翰林又以元遠之致升聞天朝其靜也 作者之志小子承命而序之 旣成矣而猶廣獻納以通諷諭聖人之心其至矣初長通 通有拾遺之拜時議以爲明天子在上百僚奉職於下化 每定全唐文 通不可度已眾君子蓋將賀不暇被吳秦離別於我何有 上將以道在天下先命大臣舉有道以備司諫故朱君長 送朱拾遺赴朝廷序 균

別之難秦吳之遠前期之不易皆付之樽中可也又曷足 置於心胸間羣賢於是乎酒酣歌詩以代雜珮之贈 由道以致遠位在平忠道在平離蓋拾遺之志如此彼離 易直由華陰令擢拜左拾遺詔下之日士大夫相見而喜 至哉聖人在穆清之中注意左右獻納之臣於是扶風寶 不俟駕亦不敢言病獻歲之吉涉江而西夫宴息以宏道 才之識宜行而止宜語而默且君命召其可以久乎由是 日易直舉矣直道其行乎頃之會國家舉風力以變元氣 送實拾遺赴朝廷序

堂之側宣上德抒下情唯夫子是望彼吟咏風騷優游平 欽定全唐文 · 卷五百十八 違者棟以奉職而君亦朝服貴然時然後行七月初吉整 闡文明以張四維上曰五諫寂寥七臣安在由是獻可弼 勃之事又曷足為長者言耶非歌詩無以見情別之志不 車祀載安定梁肅舉觴以祝曰夫有其道而不得其位得 師之盛履王臣謇審之位行見夫束帶形墀之下高議明 其位而不得其時昔人所以為歎也君以懿文當百寮師 可以不賦 孟

逍遙章公語點之閒全清淨之道閒餘二百載之子以純 初士儀與孔君述者同隱於當邱上嗣位舉逸民孔以諫 懿貞粹追烈祖之蹤一門清風光映今古可謂全美也已 桂之下鶴板入谷拜左拾遺固解獻納之任遂有江湖之 議大夫徵且調護太子乘輿還自漢中吾子方徜徉於 適議者稱孔之兼善吾子之自得出處一轍消息同符 公蘊伊邵之望悅禽息之風士儀依仁游道幾歷寒暑旣 and distance of Widewilliams 知刻意而高待時而動者俱失其道理矣揚州刺史杜 人出於華族冠冕處乎山林於士儀見之矣在魏周際 梁肅

書出參蜀漢軍事俄復自適其適道岷江浮湘潭歷敷 多安全唐文一第五下十八 寄懷且以序眾君子考樂之什 震訪吾子於堪嚴之側豈或碌碌久為躁靜之異乎先言 浩然有歸思乃忽乎以將行子當同召諫官同被儒服所 才全者必幾於道志正者必安於時初劉君以文章游翰 不同者執李公之御與蹈類陽之塵而已會脫韁鎖隨 深於文者以公幹越石為比中歲有邁世志脫暑櫻弁 江湖間論者又比之阮始平陶元亮未幾韶掌柱下 奉送劉侍御赴上都序 烟

傳不云立誠以居業論語不云邦有道則智吾子居可大 道 如是平今軒竟在上伊傅作輔方舉賢能以熙眾職故劉 原而東君子謂君涉履所至擬司馬子長遂留滞吳南以 之業當則智之時是在也將賀不暇豈愴別乎二三子尚 君朝服竟然將如京師御史延陵包公祖而賜之且曰易 欠回からある一人ならう 者用古意皆以一百字成之凡七篇 未醉盡各賦詩以代疏麻瑶華之贈中丞既歌首章命 自居其名益振其致愈遠向非才全志正又曷由光茂 送周司直赴太原序 梁肅

其材必廣頃鮑公由尚書郎為韓侯之佐三四年閒董品 金岁白月了一是王百十八 旣成單車而還議者謂司直道将光大乎不然時之與才 宏遠文敏忠信夫文則經遠敏則有功忠信則厚事三務 何其多會也夫躡搏風之便者其翼必大構大厦之重者 勁兵所處故以推戰之任付鮑公公謂三軍經用仰淮湖 陵赴焉是宜復命禮也初朝廷謂晉陽國家之豐沛天下 門宴開夷夏是賴秋七月其部從事大理司直周頌自廣 今年春上以副丞相鮑公領太原尹假節主河東諸侯北 , 魏非仁智不足任也故以汎舟之役各司直司直器署

往從之路遠莫致云爾 虚舟而還與夫泣窮途詠式微者不同日矣若悲秋送遠 秋 欠しと時七 美五年 府之召之子於役我心載馳因賦思為門一章蓋取夫欲 於藩穆如清風文武為憲以司直之懿文碩畫翔集翰 之上陵厲之勢不可度已非光大而何士有不佞當辱威 則緣情而美裝侯温粹在中英華發外既乘與而至亦 風木落臨水一望遠客之思多矣而裴侯復告予將歸 國傷懷贈別之詩於是平作也夫道勝則遇物而適文 送前長水女作裝少府歸海陵序 梁肅

吾子屬斯在也亦以赴知已而沽善價吾齊贈之以詩蓋 器則價重當世以吾子之質且琢之不已名者公器其可 予同郡皇甫生膚清氣和敏學而文嘗纂家範數干言自 避乎鎮南杜公負佐世之才有威名於天下門間之賓唯 勉行而已豈以遠道為戒乎唯酒可以破別愁眾君子不 修之志可觀矣予聞與璠在璞與斌砆等耳及夫琢而成 遠祖漢太尉晉元晏先生以還門風世德煥耀篇錄生幸 之際宋玉之所以流歎也況吾俯乎 送皇甫七赴廣州序 欽定全唐文 卷五百十八 梁肅 游翰林蓋相知矣而未深也聞八九年又相遇於江淮 於天下唯張氏為盛襲子得其叔季日茂日苞始冠章前 可以不醉焉爾 則叔也秀才登科已知名於代季也立誠居業為後進之 當得叔為門間之實因以充選議者謂扶風舉賢不避親 衛大陸之間上厚風淳世生偉人其大名大節之後著 加以簡直强毅恭寬信敏文史足用弛張不窮向吾所 風偉人蓋此也今年上求士於四方揚州牧扶風公 送張三十昆季西上序 七九 閒

鄭侯身甚否而意甚泰家愈貧而學愈富言政必及王言 性必及道言文必及經而動不踰閉貞不絕俗年出三 厚別者人所不免児子情乎凡道不合則信不深言不盡 于最深絕經之悲仰前修而未遠斷金之契於吾子而益 則意不見序所以盡言而信道焉爾無金玉爾音焉 應認至京師時子伯氏以文德都絲綸之任博約之道於 師慕宗伯之賢從州黨之賦則其志可知也始大歷末子 叔得舉不以私則其才可知也季屬文以氣為主以經為 送鄭子華之東陽序

其志志同而忘其言悲歎兩集而不知其止邇來蓋 悲適親吾子子即晉陵之出也一見而觀其禮再見而 律度見視有終日不達之數公旣問服子將絕檢寢門銜 復乎子材薄體弱曩遇晉陵守獨孤公方執文柄為當時 不能動纖毳士不用則塊爾而已遇則雲蒸雨隨是牽於 時而不由於已鄭侯雖有洛下之才淹中之學其如時 其志未光抑有由哉夫風之行也則萬竅怒號時之止 矣詩人賦繁霜之月子帶於吳子遊東陽當通旅之次送 何傳曰美惡周必復吾子因於臲卼星幾周矣或者其將 同

子有幽憂之疾謁長桑氏於東南上人以無住為樂將 見志 用文合晚以道交淡而文文而敬他人未之知也今年春 不同日矣彼都人上高陽許生孟容開封鄭侯通誠皆於 乘桴之士命旨酒登高樓酣歌氣振人莫知者夫物不 以終聚必受之以散離會不紀何用文為既而敘行且以 人形就而心和行獨而志潔辱與僕游殆三十年矣初 壽陽相待形骸之外相忘江湖之上比夫世閒重事 送靈沼上人遊壽陽序

歸而於虎邱之精處先出後期以志少別云爾 欠日と自としたる方 也適遊皇都談天於重雲之殿今也于歸將休於沃洲之 至人不在方實相無所住此沙門鑒虚所以順理而隨世 小山叢桂何在濠上鰲魚樂否予至東越亦訪支許故事 山泛然無事獨與道俱遇物成不遷之論閒吟有定後之 來已十數年長松飛泉寢寐吟想送子於往情如之何東 人有忘言之契想與夫二君道舊之服必荷錫而遊 可謂遠也矣襲予師來越業天台之道追石門之遊 送沙門鑒虛上人歸越序 梁崩 問

飽 是非於耳目內則沖氣浩然卷虛無於橐籥常誦道德上 尊師以齊物為師抱神為事有年數矣外則質貌落古遺 不暇又焉識其所以戊辰仲夏觀於山陰精舍於時方牧 金写とたろうえるですが 下篇往來吳中諸山如浮雲獨鶴自適其適吾陋且追 南高僧有普門元浩子甚深之友也相遇之際幸說鄙去 撥撥俗狀且當澡灌心垢再期於無何之鄉 右軍許邁之期下走作壺印禦短之遇亦既合契於焉 和百骸自理浑濁如洗先是師藏道書於十山之下留 送皇甫尊師歸吳興卞山序 跡

歲後四月謝諸朋游輕騎東出且以五綵之服拜慶於庭 辭歎蜀解朝四子講德之式及夫秀士升貢有司處之以 言不苟也夫 **益都有司馬揚王遺風生嘗薄游西南覽其江山頗奮文** 就心馬火馳命養空而游相從於赤水之上師乎師乎斯 無待之情矣子欲脫形神於鞅絆蹈方外之逸軌有志未 止未幾忽乎將行不受一毫之施且輕千里之別有以見 一第時輩歸之以高名飄飄然有排大風摩青天之勢今 送章十六進士及第後東歸序 色有

煩襟洗如也又常愛其人也澹然其靜也曠然其適也泛 欽定全唐文《卷五百十八 自三問大夫作九歌於是有激楚之詞流於後世其音清 柱下不能奮飛送歸如何為處為美大雅云敬慎成儀以 近有德蓋雖有雜珮不如此詩輟而爲好以志少別 聞榮哉孝乎是在也子當與生為五湖之游矣今則繫在 其氣淒厲吾友君則者實能誦遺編吟逸韻所作詩歌 風在焉初元之明年子與君則兄洪俱參淮南軍事屬 外塵起羽書狎至每沈迷簿領之際一見夫人清揚則 送元錫赴舉序 穿屏 重

一欽定全唐文 人卷五百十八 梁肅 息傷時臨歧者得無詩乎 驚不已感離別於兹辰限鄉關於遠道孰曰有情而不歎 也秋氣云暮蕪城草衰亭舉一望烽戍滿目邊馬數聲心 然其無不與也且從賓薦之禮以赴揚名之期又見其志 聖非道不生道非教不明教非人不行是三者相依而住 道有大小權實故淨名以在家成化人有聖賢沒深故智 正真之終始遊道義之門户祖而述之存乎其人天台上 者以初依敢法然後因言遣言即象忘象俾後學有以得 維摩經暑疏序 重

其要何如弟子比邱眾作禮以請公於是削其浮離合為 人比邱然公集智者之法裔探毗耶之妙蹟一貫文字之 頓漸之義盡方等生蘇之體其旨遠其道微微言在兹兹 夫聖人有以見生生根器之不齊也故用四教五味經 用不感故常外闡其訓內澄其照凡百學者望崖而歸當 會歸解脫之淵以為昔智者大師之演是經也備偏圓 門弟子曰祖師所述其道甚者而皆簡者或病其繁 軸不失舊則其義惟明與前部偕行號為淨名暑疏原 者則遺其魔吾欲因而就之以伸其教刑而裁之以存

立誠故其業不得不傳觀其所感則毗耶之與天台杜口 韓之有以見萬法弛張之不殊也故用一道! 欽定全唐文 卷五百十八 之然則聖人隨感以利物故其數不得不差賢哲因感以 也肅當受經於公門遊道於義學雖鑽仰其能而嗟歎 之與立言雖階位不同廣暑異宜至於赴機施化其揆 晉陵守河南獨孤公以德行文學爲政一年儒術大行與 足故序其述作之所以然著乎辭疏成之歲歲在甲辰吾 自晉陵歸於佛龕之夏也 陪獨孤常州觀講論語序 梁肅 禹 乘會而成

蜀至於魯當大感初元新被兵饉之苦今御史大夫贊皇 論二十篇於郡學之中率先講授乃季冬月朔公旣視政 與至於今風俗遂敦美矣哉仁人之化也樞衣之徒承其 偕者歲數十人子於之詩起而復廢鄉飲酒之禮廢而復 華使夫子微言不絕莫備乎論語於是俾儒者陳生以魯 波流得不勉敗旣齒而厲之又悅以動之朱輪遲遲逮墓 與二三賓客躬往觀馬已而公遂言曰昔文翁用儒變蜀 李公為是邦愍學道比闕開此庠序自後孝秀並與與計 珠泗同風公以為使民悅以從教莫先平講習括五經英

皇植學之本與我公道之以德德則有成而未播於敘述 人仰之以遷善遠罪泱泱乎不知所以然以致夫政和 欽定全唐文一、卷五百十八 而歸士有獲在左右親公之施教退謂人曰夫四時繼 而成物仁賢繼功而成化是學校也非贊皇不故非我公 爾 後人謂之何哉鄙不佞謹紀公之雅訓或傳諸好事者云 泰舊史記前召後杜而南陽移風民到於今稱之別替 大鼓之以經書潤之以仁義君子得之以修詞立誠 導引圖序 梁肅 重 而 11

之至也故歧伯得之為軒轅師廣成子得之千二百歲而 其命而不可援也於是乎張而翕之導而引之熊經鳥伸 以成古之善為道者知氣之在人不利則鬱鬱則傷性伐 身不衰彭祖得之上及有虞下及五霸後學得之隱名山 骸之束然後百病不生耳目聰明可以保神可以盡年和 吐故納新使流於六藏暢於四支淡於肌膚之會固其筋 氣之貫萬物也威矣本乎天者資之以生本乎地者資之 祖有浮山隱居朱少陽者得其術於黃帝外書又加以元 而遊人閒壽考者不可詳而紀矣原其所出皆以歧伯爲

所述示予予喜而序之以寘篇首俾博覽者以知還年之 其所由盖久視之門戶樞之善喻者也少陽年涉期頤神 化五禽之說乃志其善者演而圖之被以章目凡三篇究 天寶中言雅樂者稱馬氏琴石侯當得其門而入矣故其 迴互翕關終日不倦每振寂郵肯於之際必喜然響然用 氣轉壯每至虚空之中自試此法或屈或伸或盤或旋或 力甚微而合於桑林之儛此又技之甚尤異者也暇日以 路道者之雅戲云 觀石山人彈琴序 K1 / 1

暢五音以協五行以宣五常以紀五事後世聖人以為五 究夫剛柔復益其絃者非他也文武之道也亦猶八卦旣 亂故聖人道之天和作樂以救之於是乎有五絃之琴以 善乎夫子之問是道也吾當聞諸師矣夫人生無其節 **紋備其本而未行其變變而裁之莫先乎文武之用於是** 也敢問何為而臻哉古之聰明睿智其能為乎余愀然日 至和樂獨善其身足使情反乎性吾聞其語矣未辨其方 曲高其聲全余嘗觀其操縵味夫節奏和而不流淡而 欽定全唐文卷五百十八 厭稟其感人而忘夫佚志已而謂余日鄙夫徒能彈之而 丢

中絕晉悼失之師曠一彈而國大旱琴之興廢與理亂 列復因而重之然後既可以動天地而鼓萬物盡變化而 消而王澤不下故殷紂失之而棄河海幽厲失之而周道 萬邦協和卜代三十成康以之刑措不用仲尼以之見文 故處帝以之乃歌南風禹湯以之而作夏馥周文武以之 感鬼神極聖人之能事反百慮於一 王之象而樂正雅頌各得其所若琴道不行則君子之道 並夫備殷薦以配祖考肅相庶幾神降則不可廢於郊 矣若夫和平其志氣暢達於動用使邪物不接則不可廢 致此琴之以爲貴也

多定全唐文 老五百十八 商流徵不失度由而已被各有所起也言畢石君善之 夫鄭帶之移人久矣其人或正則其位未大其位未大故 樂之雅者也雅者正也正者謂能宣正其聲而行正道今 與幽蘭白雪之號則吾子其自知已夫何言哉問日若如 和空桑龍門之琴禹貢學陽之桐以爲之歷代善琴之士 所居於是有左琴右書士無故不徹蓋謂是也周穆載雲 正聲未被君子風薄不其然乎夫雅樂之所貴者豈取清 於律度矣故自有國有家下逮於庶人莫不尤重焉君子 云則今之為琴者多矣君子之風何其未扇數對日琴 乏

	Silvering of our meaning	San et al Berlinstein and Klein Anne			and the second	
 欽定全唐文 卷五百十八						予紀其辭遂號為序云
梁肅						